

在外間擬雜犯死罪以下囚犯有力愿納米者  
不分官吏軍民人等定擬就近倉分上納例

成化四年七月初四日刑部尚書陸 等

題為納米贖罪事河南清吏司案呈奉本部送刑科抄出福  
建布政司左布政使秦敬等奏據福州府等閩侯懷三縣  
各將成化二年起至成化四年止監追納米犯人施欽等七  
十八名呈報到司看得中間多係為民吏典軍民人等有  
監一年零四五箇月者有監一年者有監七八箇月者有監  
兩三箇月者切該此等囚犯或因家道艰难或因原議  
寬遠款典賣妻子田產而又價值不足該告借朋友親隣而  
亦貧難無助所以久禁於囚園之中日夜呻吟悲歎豈得  
已哉誠恐所屬別府州縣亦有似此久禁囚犯欲便通  
行查理緣未經申本布政司定撥倉分無從查考如蒙

乙

勅法司計議今後在外巡按監察御史都布按三司府州縣大小問擬衙門所問為民并逃還職官吏俱以近就近定撥倉分照例納米完日各還職役為民其革役吏典承差陰陽生里老軍民人等笞杖罪依律的次徒派雜犯死罪俱照例逆發煎鹽擺站年限滿日寧家若中間及審有力情愿納米者旺令照例納米仍行各該衙門通查監進納米囚犯一体照依前例發落如此則罪人不致於久禁而易於發落矣緣係納米贖罪事理具本該通政使司官奏奉聖旨發司知道欽此欽遵抄出送司案呈到部奉照福建布政司左布政秦敬等奏稱今後在外巡按御史都布按三司府州縣大小問刑衙門所問為民官并還職官吏俱以近就近定撥倉分照例納米完日各還職役

為民其革役吏典承差陰陽生里老軍民人等笞杖罪依律的次徒罪雜犯死罪俱照例煎鹽擺站年限滿日寧家若中間果審有力情愿納米者旺令照例納米仍行各該衙門通查監進納米囚犯一体照例發落一節有例見行恐是福州所屬官吏人等為事納米贖罪有因原籍寫遠無人供送或家道貧難辦納不前以致淹禁日久不得發落致有此言合無准其所奏通行各處巡按監察御史都布按三司府州縣衙門問刑衙門查照見行事例問擬徒犯除真犯死罪外其餘離犯死罪以下例該納米贖罪者審其有力情愿納米不分官吏軍民人等俱以近就近定撥缺糧倉分照例納米發落如有革役吏典知印承差陰陽生里老軍民人等審無力者笞杖罪俱依律的次徒派罪各照年限煎鹽炒鼓擺站哨瞭發



元儀從雜犯死罪亦准今擬擺站煎鹽旗軍舍余各五年  
滿日發落該管官司每一月查催該倉納獲米數開單  
繳報如此則事有定規而因免淹滯矣緣係陳言納米贖  
罪事例及奉

欽依法司知道事理未敢擅便具題次日於

西角門奉

聖旨是欽此

納粟贖罪則例

成化六年十二月初十日戶部尚書楊等題為處置  
救荒恤民事戶科抄出戶科給事中李題切惟保莫  
先於得民而得民心之本莫過於  
進而仁政之本其要惟在足其食而已蓋民為國之  
本而國非民無以立食乃民之本而民非食無以生  
苟能足其食則民可得邦民可保而為治也不難矣  
稽諸自古帝王救災恤患未常不以此為先務臣伏見  
今年天下地方災異旱澇無虞無之而其甚者惟  
王畿之內夫王畿天下根本四方觀瞻譬諸人身四  
肢之於頭目王畿為頭目一傷則昏瞶悶亂雖有四服  
亦無如之何也四方或飢則有可救之方若王畿一饑則  
根本衰弱雖有四方亦為難之救矣詩云惠此中國